

佛學大辭典

13



【智印】（術語） 如人有印則得入國

以般若之智爲印，則得入實相之理，故曰智印。又如印契判物之真僞，以智爲印，判定是非真妄等，故曰智印。又如大日拳印不動之

劍印，各證明內證之智德者，故曰智印。法華

經妙音品曰：「智印三昧。」法華義疏十二曰：

「如人入安穩國，有印得入，無印不得入。菩薩得此三昧，解入實相。」法華玄贊十曰：「

以智爲印，判定是非真妄等故。」秘藏寶鑰

上曰：「五部諸佛智擊智印。」

【智印經】（經名） 大乘智印經之略

名。趙宋智吉祥等譯。與慧印三昧經及如來

智印經同本。佛入智印三昧，說如來所知之

境界。

【智自在所依真如】（術語） 十真

如之一。於第九善慧地證悟之真如。無礙智

所依之真如也。在此地得四無礙智，自在得

知故有此名。

【智吉祥印】（術語） 梵志之說法印，

謂之淨行者吉祥印。釋尊之說法印，謂之智吉祥印。釋尊之說法印有三種。

【智妙】（術語） 法華迹門十妙之一。

證實相之境之智微妙不可思議也。方便品

曰：「我所得智慧微妙最第一。」

【智身】（術語） 華嚴所說融三世間

十身之一。以圓明之智慧爲佛身者。

【智波羅蜜】（術語） 般若波羅蜜也。

【智波羅蜜十德】（名數） 一知貪欲

行者，二知瞋恚行者，三知愚痴行者，四知等

分行者，五知修學地行者，六於一念中知無

邊衆生之行，七知無邊衆生之心，八知一切

法之真實，九知一切如來之力，十普覺悟法

界門。見唐華嚴經十八。

【智周】（人名） 唐泗州智周，號樸楊。

爲溜州慧沼之弟子，作唯識論演秘，因明記

等。

【智拘絺羅菩薩】（菩薩） 在胎藏界

釋迦院上行南端第二位。密號曰正圓金剛

或宿慧金剛。主釋迦精進之德。七集雖以此

尊爲比丘形，列於聲聞衆，而在釋迦院則爲

供養雲海二菩薩中之一尊，爲肉色使者形，

合掌中入未敷蓮華作供佛之狀，坐於荷葉

【智杵】（物名） 金剛杵之異名。有獨

鉗三鉗五鉗等，皆標幟內證之智德者，故名

智杵。性靈集六曰：「實相智杵，摧破邪山。」

【智斧】（譬喻） 智能斷煩惱，故譬以

斧。涅槃經三十八曰：「是經即是剛利智斧，

能伐一切煩惱大樹。」

【智果】（術語） 涅槃曰斷果，菩提曰

智果。以菩提爲佛智，由因地修行而生之妙

果也。

【智門】（術語） 對悲門之稱，是爲一

雙之法門者，差別之義。諸佛萬德，可差別爲

此二者。一切自利之德爲智門，一切利他之

德為悲門。

【智法身】（術語）見法身條。

【智度】（術語）六度之一。般若波羅蜜 Prajnaparamita 也。般若譯曰智。波羅蜜

譯曰度。習修實智之行法也。維摩經佛國品

曰、「善於智度。通達方便。」

【智度論】（書名）大智度論之略名。

【智相】（術語）智慧之相貌。謂佛之

光明也。佛之光明為佛智顯於外之相貌也。

淨土論註下曰、「光明智相者。佛光明是智

慧相也。此光明照十方世界無有障礙。」因

起信論所說六塵相之一。於三細中第三境

界相。起妄心智。用而分別可愛不可愛之境

也。

【智相三昧】（術語）生真實智慧之

三昧也。智度論四十七曰、「得此三昧。見一

切諸三昧中。有真實禪慧相。

【智炬】（譬喻）智慧之光明譬如炬。

觀經玄義分曰、「灑甘露潤於羣萌。輝智炬則朗重昏於永夜。」

【智炬陀羅尼經】（經名）一卷。唐提

雲般若譯。與佛說智光滅一切業障陀羅尼

經同本別譯。

【智界】（術語）理智相對。智所屬之

法曰智界。猶云智門也。界者自性之義。差別

之義。稱胎藏界曼荼羅為理界。金剛界曼荼

羅為智界。

【智首】（人名）唐弘福寺智首。為四

分律宗之祖。南山律師之師也。作四分律廣

疏十二卷。見續高僧傳二十二。

【智者】（人名）天台大師智顛之德

號。由晉王所賜。輔行一曰、「幼名光道。亦名

王道。此從初生端相立名。法名智顛。顛靜也。

即出家後師為立號。從德為名。故用靜義。後

授晉王菩薩戒品。因即為王立以法號云。大

王紆尊聖禁。名曰總持。王曰。大師傳佛法燈。

稱為智者。」見智顛條。因（雜語）有智慧者。法華經藥草喻品曰、「我是一切智者。」

【智者大師真身塔】（堂塔）塔建於

真覺寺內。智者大師之肉身在此焉。

【智城】（譬喻）智慧之城郭。譬佛果

也。教行信證二曰、「令諸羣生入智城。」

【智海】（譬喻）智慧廣大。譬如海也。

無量壽經下曰、「如來智慧海。深廣無涯底。」

地藏十輪經八曰、「漸次趣入深廣智海。」

【智息入】（術語）十六特勝之一。於

數息觀覺照入息分明也。

【智拳印】（印相）金剛界大日如來

之印相。獨一法界之相也。以表諸佛之執持

智法海。一字頂輪王經曰、「拳能執持諸佛

智法海。」是九會曼荼羅中第六一印會智

法身之大日也。時處軌曰、「右執左頭指。十

方刹立中。唯有一乘佛。如來之頂法。等持諸

佛體。是故名智拳。」金輪儀軌曰、「十方佛

之中。唯有智拳印。」

【智眼】 (術語) 智能見事物。故名眼。智即眼也。又智之眼也。謂非肉眼也。唐華嚴經六十一曰、「善知識者。則是趣向一切智眼。」成實論十九曰、「智慧現在前。猶明眼見色。」

【智淵】 (譬喻) 智深猶如淵也。金光明經二曰、「智淵無邊。法水具足。」

【智淨相】 (術語) 不思議業相之對。依法力薰習。而如實修行。破生滅相。現不生滅。破無明不覺。顯現法身之相也。即本覺之隨染者。還於本淨之相也。

【智智】 (術語) 智中之智也。特稱佛之一切智。見一切智智條。

【智閑】 (人名) 鄧州香嚴寺智閑。嗣瀉山之法者。

【智悲】 (術語) 如來之大智與大悲也。加以大定為三德。

【智惑】 (術語) 智慧與妄惑。相尅之法如水火。

【智象】 (雜語) 智慧之龍象。稱大智之僧。又涅槃經。智度論等。三獸渡河之喻。以深智比象。

【智楫】 (譬喻) 由智渡生死海。故以舟楫譬之。萬善同歸集五曰、「迷闇室中之明炬。生死海中之智楫。」

【智鏡】 (譬喻) 智慧之照了。譬如鏡也。因明大疏序曰、「明懸智鏡者。幸留心鑑照。」

【智境】 (術語) 智者能觀之心。境者所對之法。境有真妄二者。妄為智之所斷。真為智之所證。

【智境冥一】 (術語) 謂能觀之真智與所觀之真理。冥合一致也。止觀五曰、「常境無相。常智無緣。以無緣智。緣無相境。無相之境。相無緣之智。智境冥一。而言境智。」

【智慧】 (術語) 梵語若那。Jñāna譯曰智。般若 Prajñā 譯曰慧。決斷曰智。簡擇曰慧。又知俗諦曰智。照真諦曰慧。通為一也。大乘義章九曰、「照見名智。解了稱慧。此二各別。知世諦者。名之為智。照第一義者。說以為慧。通則義齊。」法華經義疏二曰、「經論之中。多說慧門。鑒空。智門。照有。瑜伽倫記九曰、「梵云般若。此名為慧。當知第六度。梵云若那。此名為智。當知第十度。」

【智慧山】 (譬喻) 智慧之高如山也。涅槃經八曰、「如來悉斷無量煩惱。住智慧山。」

【智慧水】 (譬喻) 智慧能洗煩惱之垢。故譬以水也。文殊師利問經曰、「心性本淨。諸過為垢。以智慧水。洗除心垢。」

【智慧火】 (譬喻) 智慧能燒煩惱之薪。故喻以火。

【智慧光】 (術語) 阿彌陀佛十二光

之一。佛之光明能破一切衆生無明之闇。故名智慧光。讚阿彌陀佛偈曰：「佛光能破無明闇。故佛又號智慧光。」

【智慧門】（術語） 入智慧之門戶也。

佛果之實智云智慧。入其實智之因地權智云門。又如來自證之智云實智。利他教化之智云權智。權智爲令入實智之門戶也。又權智所說之一切教法爲令入實智之門戶。故名曰智慧門。法華經方便品曰：「諸佛智慧甚深無量。其智慧門難解難入。」法華文句三曰：「其智慧門卽是嘆權智也。蓋是自行道前方便有進趣之力。故名爲門。從門入到道中。道中稱實道。道前謂權也。」法華義疏四曰：「門者。權智說一切教爲通佛智。故以一切教爲佛智慧門。」法華文贊三曰：「智慧門者。卽能詮教。智慧甚深。卽所詮理。」

【智慧風】（譬喻） 智慧能吹人入法性之海。故譬以風。六波羅蜜經偈曰：「衆生

無定性。猶如水上波。願得智慧風。吹入法性海。」

【智慧海】（譬喻） 如來智慧之深廣。譬如海也。無量壽經下曰：「如來智慧海。深廣無涯底。」

【智慧雲】（譬喻） 智慧之廣大如雲也。仁王經下曰：「智慧如密雲。遍滿於法界。」

【智慧鳥】（傳說） 若爲財物說法者。死。生天上爲智慧鳥。能說法云。正法念經三十一曰：「若爲財物故。與人說法。不以悲心利益衆生。而取財物。是名下品之法施也。（中畧）如是等法施之人。生於天上。作智慧鳥。能說偈頌。是則曰下法施也。」

【智慧箭】（譬喻） 智慧能害煩惱之賊。故譬以箭。增一阿含經三十九曰：「仁鎧三昧弓。手執智慧箭。福業爲兵衆。今當壞汝軍。」智度論十曰：「忍鎧心堅固。精進弓力強。智慧箭勁利。破憍慢諸賊。」

【智慧燈】（譬喻） 智慧能破愚痴之闇。故譬以燈光。智度論四十一曰：「以智慧燈照我等。」

【智慧劍】（譬喻） 智慧能斷煩惱絕生死之絆。譬如利劍。維摩經菩薩行品曰：「以智慧劍破煩惱賊。」心地觀經八曰：「法寶猶如智慧利劍。割斷生死離繫縛故。」

【智慧觀】（術語） 觀世音菩薩五觀之一。以真實之智慧。觀實相之理也。法華經普門品曰：「真觀清淨觀。廣大智慧觀。」

【智慧光佛】（佛名） 十二光佛之一。阿彌陀佛之異名。以彼佛具智慧之光明。故也。無量壽經上曰：「是故無量壽佛。號無量光佛。（中畧）智慧光佛。」

【智慧念佛】（術語） 南無阿彌陀佛六字之名號。其體爲阿彌陀如來真實圓滿之智慧。故執持其名號之念佛曰智慧念佛。

【智慧資糧】（術語） 見資糧條附錄。

【智慧波羅蜜】(術語) 又曰知見波

羅蜜。即般若波羅蜜也。六波羅蜜之一。又佛

之實智對於方便之權智曰智慧波羅蜜。法

華經譬喻品曰：「如來亦復如是。(中略)具

足方便智慧波羅蜜。」同方便品曰：「如來

方便知見波羅蜜皆已具足。」

【智慧知未來世無礙】(術語) 十八

不共法之一。見十八不共法條。

【智慧知過去世無礙】(術語) 十八

不共法之一。見十八不共法條。

【智慧知現在世無礙】(術語) 十八

不共法之一。見十八不共法條。

【智德】(術語) 諸佛三德之一。如實

照了諸法而無礙者。即菩提是也。因有智慧

有行德者。謂智德兼備之高僧也。

【智箭】(譬喻) 智慧之銳如弓箭也。

智度論十一曰：「當以智箭破汝疑軍。」

【智幢】(雜語) 智慧之寶幢。因(苦

薩) 菩薩名。賢劫十六正士之一。

【智增菩薩】(菩薩) 二增菩薩之一。

見二增菩薩條。

【智積】(人名) 王子名。大通智勝佛

時出家十六王子之第一名。法華經化城喻

品曰：「其佛未出家時有十六子。其第一曰

智積。」因(菩薩) 從多寶如來來法華之會

座。與文殊菩薩論議女人成佛事之菩薩。法

華經提婆品曰：「於時下方多寶世尊所從

菩薩。名曰智積。啓多寶佛。當還本土。釋迦牟

尼佛告智積曰：善男子。且待須臾。此有菩薩

名文殊師利。可與相見。論說妙法。可還本土

。」因(金剛界曼荼羅中賢劫十六尊之一)

【智積菩薩】(人名) 中吳紀聞曰：靈

巖寺。乃智積開山之地。智積當東晉末。自西

土來。擲立伽藍。泗州僧伽至無錫。聞智積在

蘇。即回曰：彼處已有人矣。由是名遂顯。有貧

嫗持角黍為獻。智積受之。嫗因得度。至今上

曰。號智積生日。聚數百嫗為角黍會。」

【智諦】(術語) 智為能照之觀。智諦

為所照之諦理。猶言智境。

【智劍】(譬喻) 清淨之智慧。以斷煩

惱之絆。故譬如劍也。最勝王經二曰：「生死

羂網堅牢縛。願以智劍為斷除。」

【智燈】(譬喻) 智慧之燈也。智度論

二曰：「痴冥道增智燈滅。」

【智幢菩薩】(菩薩) 在金剛界曼荼

羅外廓南方之西端。賢劫十六尊之一。密號

曰圓滿金剛。高豎大智之幢幡。以破戲論為

德。白肉色。右持幢。左拳安腰。」

【智藏】(術語) 智慧廣大。包含諸法

故曰藏。五教章上曰：「一切諸法皆悉流入

毘盧遮那智藏大海。」宗鏡錄十八曰：「一

切衆生自心處內有八瓣。和合成蓮華。此蓮

華中有正遍知海。是名毘盧遮那智藏。亦名

蓮華藏莊嚴世界海。」因(人名) 不空三藏

之諱。貞元釋教目錄十五曰：「大辯正大廣智不空三藏和上者。南天竺執師子國人也。法諱智藏。號不空金剛。」

【智藏海】（譬喻）智藏之深廣。譬如海也。宗鏡錄二十八曰：「毘盧遮那智藏海。」

【智斷】（術語）智德與斷德也。照了真理曰智德。斷盡煩惱曰斷德。即菩提與涅槃也。往生論註上曰：「論智則義無不達。語斷則習氣無餘。智斷具足。能利世間。」

【智類道忍】（術語）八忍。十六心之一。將得道類智前時所起之忍。可決定也。

【智願】（術語）智與願也。又智之願也。達於實相之理之智慧所發之大悲弘願也。

【智願海】（譬喻）智願之深廣。譬如海也。禮讚初夜偈曰：「彌陀智願海。深廣無涯底。」

【智顓】（人名）天台大師。名智顓。字

德安。姓陳氏。其母夢吞白鼠而生師。卜者曰：白鼠者龍所化也。七歲喜往伽藍。僧口授普門品。一遍成誦。十八歲就湘州果願寺法緒出家。二十歲受具。初從慧曠學律。兼通方等諸經。陳文帝元嘉元年時。思禪師止光州大蘇山。師往頂拜。思曰：昔日靈山。同聽法華。宿緣所逐。今復來也。即示以普賢道場法。說法華四安樂行。師日夜自勵。經二七日誦經。至是真精進。是名真法供養。如來身心豁然。而入定。照了法華。思歎曰：非汝不證。非我不識。

所入定者。法華三昧前方便。所發功德者。初旋陀羅尼也。縱令文字師千羣萬衆。亦不能窮汝辯。當於說法人中。最為第一。陳光大元年。同法喜等二十七人。初至陳都金陵。時年三十。大建元年。儀同三司沈君理。請居瓦官寺。講法華。乃一夏九月。談經玄義。止瓦官前。

後八載。講大智度論。說次第禪門。陳大建七年。秋九月。始入天台安居佛隴。九年二月。帝

詔割始豐縣調。以充衆費。遂創伽藍。十年五月。左僕射徐陵。奏於朝。賜修禪寺之號。陳少主。數遣使請師於金陵。師出。止於金陵靈超寺。講釋論及仁王般若於太極殿。後移光宅寺。金陵既敗。師往憩於廬山。隋開皇十一年。晉王鎮建康（即金陵）。遣使奉迎。師曰：我與晉王有宿緣。直赴之。此年十一月二十三日。於總管府金城殿。設千僧齋。受菩薩戒。師謂王曰：大王紆遵聖戒。可名總持。王贊師曰：大師傳佛法燈。宜稱智者。十二年。師至荊州。為報地恩。於當陽縣玉泉山。建立精舍。賜額云一音。重改玉泉。十三年夏四月。於玉泉寺。說法華玄義。十四年夏四月。又說摩訶止觀。

晉王入朝。師亦辭歸天台。十七年冬十月。晉王歸藩。遣使入山奉迎。師隨使出山。至石城。乃有疾。曰：石城是天台西門。大佛是當來靈場。處所既好。宜最後用心。右脇西向臥。專稱彌陀般若觀音。又唱法華無量壽二經。為最

年秋九月。始入天台安居佛隴。九年二月。帝

詔割始豐縣調。以充衆費。遂創伽藍。十年五月。左僕射徐陵。奏於朝。賜修禪寺之號。陳少主。數遣使請師於金陵。師出。止於金陵靈超寺。講釋論及仁王般若於太極殿。後移光宅寺。金陵既敗。師往憩於廬山。隋開皇十一年。晉王鎮建康（即金陵）。遣使奉迎。師曰：我與晉王有宿緣。直赴之。此年十一月二十三日。於總管府金城殿。設千僧齋。受菩薩戒。師謂王曰：大王紆遵聖戒。可名總持。王贊師曰：大師傳佛法燈。宜稱智者。十二年。師至荊州。為報地恩。於當陽縣玉泉山。建立精舍。賜額云一音。重改玉泉。十三年夏四月。於玉泉寺。說法華玄義。十四年夏四月。又說摩訶止觀。

晉王入朝。師亦辭歸天台。十七年冬十月。晉王歸藩。遣使入山奉迎。師隨使出山。至石城。乃有疾。曰：石城是天台西門。大佛是當來靈場。處所既好。宜最後用心。右脇西向臥。專稱彌陀般若觀音。又唱法華無量壽二經。為最

年秋九月。始入天台安居佛隴。九年二月。帝

後聞思。弟子智朗請曰：「不審師何位。此處沒將生何處。」師曰：「不領吾衆，必得六根淨。」（十信位即相似即）爲他損己，只是五品位。汝

何問生。吾諸師友觀音侍從，皆來迎我。誠維那曰：「人命將終，聞鐘磬聲，則增正念。唯長唯久，氣盡爲期。言訖，跏趺唱三寶名，如入三昧。時開皇十七年十一月二十四日未時也。壽六十。見智者大師別傳。唐高僧傳十七。謚法空寶覺靈慧尊者。世稱天台大師。稱其宗爲天台宗。」

照理曰：「智、智發於說曰辯。辯乃智之德也。無量壽經上曰：「智慧辯才。」

【智證】（術語）以實智證涅槃也。維摩經弟子品曰：「受諸觸如智證。」

【智礙】（術語）二礙之一。又云所知障。礙涅槃之煩惱云煩惱礙。礙菩提之無明云智礙。菩提即佛之一切智。爲智之障礙。故名智礙。其體爲根本無明也。

【智囊】（雜名）稱多智之人曰智囊。釋氏要覽中曰：「吳支謙字恭明。號智囊。高僧傳云：祇園寺三千僧。皆號契法師爲智囊。」

【智鐘】（雜語）鳴鐘也。

【智儼】（人名）華嚴二祖雲華智儼法師。又號至相尊者。俗姓趙氏。生於開皇二十年也。初剃染時，禱於大藏前，抽得華嚴首卷。終日誦閱。遂往杜順和尚所。侍聽未久，盡得玄旨。尚以所集觀法傳與祖習，令其講授。偶遇異僧謂曰：「欲解華嚴一乘之宗者，十地中六相之義是也。靜攝思之，當自知耳。因即

淘研，豁爾貫通。從此數講華嚴。宗風大振。名徧寰中。總章元年，告門人曰：「吾將暫往淨方也。不逾月，遂說法而逝。世壽七十二矣。」

【智辯】（雜語）智慧與辯才也。心能

【等】（術語）平等之義。等級之義。等類之義。等類之等有二種：一向內等，如已列之物件，盡列後置等字者；二向外等，於應列之數種中，舉二三類取其他而置等字者。又謂之向上等向下等。見向內等條。

【等一大車】（譬喻）法華經譬喻品所說。長者於門外所賜諸子之大白牛車也。等一爲平等一味之義。此大車以諸法實相爲體。故曰等一。經曰：「爾時長者各賜諸子等一大車。」

【智辯】（雜語）鳴鐘也。

【等引】（術語）梵名三摩呬多，Sāmaññā。譯曰等引。定名也。在定心專注之性。曰等引。等謂身心之安和平等也。人若修定

【等引】（術語）梵名三摩呬多，Sāmaññā。譯曰等引。定名也。在定心專注之性。曰等引。等謂身心之安和平等也。人若修定



則依定力而引生此等。故名等引。唯識述記六上曰：「等持通定散。但專注境義。等引唯定心慶作意注故。言等引者。一引等故名等引。謂身心中所有分位安和之性平等之時名之為等。此由定力故此位生。引生等故名為等引。」(中畧)梵云三摩呬多。此云等引。三摩地。此云等持。

【等心】(術語) 於一切衆生怨親平等之心。又諸行等修之心。無量壽經下曰：「等心勝心深心。」智度論八曰：「等心者。是於一切衆生中無怨無惡。探玄記二曰：「無思益物。故云等心。」大經淨影疏曰：「諸行齊修。故曰等心。」

【等正覺】(術語) 梵語三藐三菩提。譯曰等正覺。又三藐三佛陀。譯曰等正覺者。徧知者。如來十號之第三。(參照十號條)覺即知也。覺知遍於一切。是遍也。覺知契於理。是正也。謂遍正覺知一切法也。又三世諸佛

之覺知平等。故曰等。離邪妄故曰等。大經淨影疏曰：「等正覺者。餘經中亦名正徧知也。正是理。於理究照。故名徧知。今言等者。是徧也。稱理名等。正者。還是餘經正也。言其覺者。是彼知也。」資持記下三之二曰：「等正覺者。謂三世道同。正印簡異邪妄。」

【等目菩薩所問三昧經】(經名) 又名普賢菩薩定意經。三卷。西晉竺法護譯。即華嚴經之十定品也。

【等至】(術語) 定之別名。梵名三摩鉢底。在定中。身心平等安和。謂之等。定能令至此平等位。故名為等至。是唯定而非散。通於有心無心。若有心定。則其心離昏沈與掉舉。而為平等。謂之等。以定力得至此等。故謂之等至。若無心定。則約定中依身大種平等。而名為等至。外有等持等引之二。見三昧條。

唯識述記六上曰：「在定定數勢力令身心等有安和相。至此等位名為等至。」(中略)三

摩鉢底。此云等至。見等持條。

【等至三昧】(術語) 大日如來示現大悲胎藏曼荼羅莊嚴大會之三昧也。大日經入秘密曼荼羅位品曰：「爾時。大日世尊入於等至三昧。」義釋十二曰：「等至者。三昧之名。」

【八等至】(名數) 四靜慮四無色之八定也。

【等妙】(術語) 等覺與妙覺也。大乘階位五十二級中第五十一位為等覺。第五十二位為妙覺。即佛果也。等覺如十四日月。妙覺如十五日之月。三十七算出生義曰：「削地位之漸階。開等妙之頓旨。」

【等妙金剛】(菩薩) 胎藏界金剛手院第三行第六位。密號曰細細金剛。司佛之內證。肉色。右手立大頭兩指。其間豎獨股。屈餘三指。左手持忿怒三股。安膝上。坐於赤蓮。【等妙覺王】(術語) 佛之尊稱。等者

等覺。是顯因圓。妙者妙覺。是顯果滿。即因圓果滿之覺。故稱等妙覺王。

【等身】（術語）造諸尊之形像。等於自己之身量。謂之等身。瑜祇經曰：「凡一切瑜伽中像。皆身自坐。等量畫之。」又佛有等身。晉華嚴經云：等身。新華嚴經云：是等身。

【等供】（術語）又云等得。凡大衆之食法。由上座至下末待食物等配賦平均。令維那唱等供。或等得然後得食也。行事鈔下三曰：「四分得食便食。爲俗譏責。佛令唱等得已。然後食。僧祇唱等供。若時欲過。隨下隨食無罪。十誦云等供（中略）十誦因舍利弗爲上座。純食好食。羅睺白佛言。從今上座待得遍。聞等供聲。一切僧共食。」同資持記下三之三曰：「等供約賦徧。等得約受足。等即是同。」同下四之一曰：「等得亦云等供。即大小食時唱食平等。」問。梵語僧跋。此譯等施。是亦食前所唱之語。與等供何別。答。總

爲相同。別則等供之語。就行食之平等而稱。僧跋之語。就食味之平等而稱。

【等空】（術語）等於虛空也。大日經一曰：「等虛空無邊一切佛法依此相續生。」

【等味】（術語）謂涅槃平等一味之性德也。勝鬘經曰：「智慧等故得涅槃。解脫等故得涅槃。清淨等故得涅槃。是故涅槃一味等味。謂解脫味。」

【等持】（術語）定之別名。梵語舊稱三昧。譯曰定。新稱三摩地。譯曰等持。謂心住於一境平等維持也。是通於定散二心也。假使在於散心而心專注於一境。即三摩地。故譯爲定者不可也。唯識述記七上曰：「等持者平等持心等。但於境轉。故名爲等持。故通定散（中略）三摩地。此云等持。」俱舍論二十八曰：「等持者爲定名異體同。故契經說心定等定。名正等持。此亦名爲心一境性。」

【三等持】（名數）三三昧。新作三三

摩地。譯曰三等持。一空等持。二無相等持。三無願等持。見三三昧條。因更有一種三等持。一有尋有伺等持。二無尋唯伺等持。三無尋無伺等持。見三摩地條。

【等侶】（術語）同類之人也。報恩經五曰：「共諸等侶出外遊觀。」涅槃經五曰：「又解脫者無有等侶。」

【等活地獄】（界名）八熱地獄之第一。俱舍頌疏世間品一曰：「等活地獄。謂彼有情。雖遭種種斫刺磨擣。而彼暫遇涼風所吹。尋蘇如本等前活。故立等活名。」參照地獄條。

【等流】（術語）由因流出果。由本流

出末。因果本末相類似。由甲出與甲無異也。唯識論九曰：「聞法界等流教法。」同述記九末曰：「法界性善順惡違。具諸功德。此亦如是。故名等流。等者相似義。流者出義。從彼所出。與彼相似。故名等流。」又等者等同。流

者流類也。但言二者相似。

【等流身】（術語）密教所立四身之一。佛身變化，現與人天諸畜同類之形也。如曼荼羅中，外金剛部之諸衆及觀音之三十身是也。

【等流果】（術語）五果之一。從善因生善果，從惡因生惡果，從無記因生無記果也。例如從前念之不善心生後念之不善心，或不善業也。果性似因性而流出，故云等流果。又等流爲等流類之義，因果之性同類，故云等流。舊譯謂之習果。對於因，則六因中由同類因與徧行因而生者曰等流果。唯識論二曰：「等流果，果似因故。」俱舍論六曰：「等流果，似自因法，名等流果。謂似同類徧行二因。」唯識述記二末曰：「等謂相似。流謂流類。」

【三種等流果】（名數）分別等流果爲三種，一眞等流果，如上所言以善性惡性

無記性爲因而引善惡無記同類之果者。二假等流果，如前世殺生令他短命，故今世感

自身之短命，是實爲異熟果，然以前後短命

之義相似，故假名爲等流果者。三分位等流

果，如眼識之於聲境，乃至意識之於法境，皆

爲第八識所生之果，而眼識與色境乃至意

識與法境，各所緣能緣關連而二者之分位

同者。

【等流相續】（術語）一類者不變更

其性質而相續爲一類也。

【等流習氣】（術語）二種習氣之一。

習氣又名種子，謂第八識所藏之生果功能

也。等流習氣爲生等流果之種子。唯識述記

二末曰：「自性親因，名等流種。」

【等起善】（術語）三種善之一。見善

惡條。

【等起不善】（術語）四種不善之一。

與自性不善相應不善所等起之表業，無表

業，及不相應行法也。此恰如飲毒液而生之乳。

【等得】（術語）等供之異名。見等供

條。

【等無間緣】（術語）四緣之一。此乃

於心心所相續上而立之緣，滅於前念之心

法，已逃避而開導彼，以引起後念心法之作

用也。猶如渡野中獨木橋，前人避開以渡後

人也。等者，等同之義。前念後念，其心心所之

數，雖有增減，而各自之體，皆爲一個，無一法

而二體並起者。前念後念各爲一個而相等

者，謂之等。如色法不然。前刹那雖爲屬一極

微者，然後刹那則同體之極微有增而爲三

者，又有反之而較前刹那減少者，前後不等

也。無間緣者，於前心與後心之間，無他間隔

之物體，縱經若干時前念之心法，與後念

之心法爲生緣也。此緣唯局於心法，於餘法

不通。又羅漢臨涅槃最後心之心心所外一

心心所外一

心心所外一

切之心法。盡有此緣用。蓋羅漢入於涅槃。畢竟不再起心法。故彼之最後心。失此緣用也。

俱舍論七曰：「等無間緣。除阿羅漢臨涅槃時最後心。心所法。諸餘已生心。心所法。是等無間緣性。此緣生法。等而無間。依是義立等無間名。由此色等皆不可立等無間緣。不生故。」唯識論七曰：「等無間緣。謂入現識及彼心所。前聚於後。自類無間。等而開導。令彼定生。」

【等無間緣依】（術語）又名開導依。謂前念之心滅而為生起後念心心所之所依也。蓋後念之心心所。必俟前念之心滅。讓現行之位。始得生起。故前滅之心（意根）望後念之心心所。謂之等無間緣依。

【等智】（術語）十智之一。知世俗事之智也。大乘義章十五曰：「言等智者。世俗之慧。等知諸法。故名等智。」

【等衆生界】（術語）遍衆生界也。該

收一切衆之稱。起信論曰：「立大誓願。盡欲度脫等衆生界。」

【等集衆德三昧經】（經名）三卷。西晉竺法護譯。集一切福德三昧經之異譯。前出。

【等慈】（術語）平等之慈悲也。楞嚴經一曰：「阿難執持應器。於所遊城次第循乞。中畧。方行等慈。不擇貴賤。發意圓成。一切衆生無量功德。」同長水疏曰：「軌則如來。行平等慈。」

【等諦】（術語）俗諦之別稱。世俗諸法非一。

【等願】（術語）諸佛平等之誓願也。指四弘誓願而言。讚阿彌陀佛偈曰：「或觀淨土與等願。」

【等覺】（術語）佛之異稱。等者平等。覺者覺悟。諸佛覺悟。平等一如。故名等覺。智度論十曰：「諸佛等。故名爲等覺。」往生論

注下曰：「以諸法等。故諸如來等。是故諸佛如來名爲等覺。」因大乘階位五十二位中第五十一位之菩薩曰等覺。是菩薩之極位也。即滿足三祇百劫之修行。別教之菩薩斷十

一品之無明。圓教之菩薩。斷四十一品之無明。將得妙覺之佛果。其智慧功德。等似妙覺。故謂之等覺。又名一生補處。金剛心有上土無垢地等。四教儀四曰：「若望法雲。名之爲佛。望妙覺。名金剛心菩薩。亦名無垢地菩薩。」止觀一曰：「究竟即菩提者。等覺一轉入於妙覺。」瓔珞經上曰：「所謂等覺性中有一人。其名金剛慧幢菩薩。住頂寂定。以大願力。住壽百劫。修千三昧。已入金剛三昧。（中畧）坐佛道場。超度三魔。復住壽萬劫。化現成佛。入大寂定。等覺諸佛。二諦境界外。非有非無。無色無心因果。二習無有遺餘。」

【等覺大士】（術語）與等覺位之菩薩同。

佛學大辭典 十二畫

【等覺已下】（雜語） 等覺者、一生補處菩薩之名。如今彌勒菩薩是也。下地望之、雖與佛等。然有極細一品無明未盡。故猶稱菩薩。言下者、指下位九地三賢。

【等覺金剛心】（術語） 謂菩薩經三祇百劫修行登因地最後之等覺位、入金剛喻定也。金剛喻定者、正將成佛時所入之定、知慧堅固、故以金剛為喻、一念打破無始無明而到達無上佛果之因位最後道心也。

【等觀】（術語） 一切平等觀念事理也。無量壽經下曰、「等觀三界、空無所有。」涅槃經一曰、「等觀衆生、如視一子。」

【策修】（雜語） 策進心而行善法也。【筆受】（雜語） 於譯場受譯主之言、筆之以漢言也。事物紀原七曰、「宋朝會要曰、太平興國七年六月、譯經院成、譯經詔梵學僧筆受綴文。七月詔左右街義學僧詳定。十二月選梵學沙門一人為筆受。義學沙門

十人為證義。其後以惟淨為梵學筆受。自此始也。談苑曰、譯經常以梵僧。後令惟淨同譯經。梵學筆受二人。譯經綴文二人。證義八人。唐世翻譯有筆受官。以朝臣為之。佛陀多羅之譯圓覺經也。房融為筆受是矣。宋朝太宗始用梵覺僧也。」

【筆端舍利】（雜名） 宋高僧傳曰、「唐窺基、字洪道、姓尉遲氏。關輔語曰三車和尚。入大慈恩寺躬事法師。後得彌勒上生經、造疏通暢厥理。援毫次筆、鋒有舍利二七粒而隕。如吳含桃許大。色紅可愛。次零然而下者、狀如黃梁粟粒。」

【筌魚】（譬喻） 能詮之經文、譬以筌、所詮之義理、比以魚。【筌筌】（譬喻） 又曰筌蹄、筌者取魚之具、筌者取兔之網、以喻方便門及言語文句等、實現實義之用具、筌或作蹄、乃假借也。玉篇曰、「筌、兔網。」法華文句一曰、「若微

若著。若權若實。皆為佛道而為筌筌。」起信論義記序曰、「真心寥廓、絕言象於筌蹄。」【答香】（儀式） 禪林之規、凡來賓為我插瓣香於爐、則我亦為彼插之、是曰答香。或云還香。見象器箋九。【答秣蘇伐那】（堂塔） Tamasaṅgana 譯曰闍林伽藍名。見西域記四。【答順宗心要法門】（書名） 一卷、唐宗密註。【答摩】（術語） Tamasa 數論所立自性冥諦三德之一、為闇之義、麤之義、赤之義、憂之義、瞋之義、苦之義。見唯識述記一末。【筏喻】（譬喻） 佛之教法如筏、渡河既了、則筏當捨、到涅槃之岸、則正法尚當捨、因之一切所說之法、名為筏喻之法。示不可執著於法也。五大品阿梨吒經曰、「山水甚深、無有船橋、有人欲從此到彼岸、結筏乘之而度、至岸訖、作此念、此筏益我、不可捨此、當

擔戴去。於意云何。爲筏有何益。比丘曰。無益。佛言。彼人更以此筏還水中。或於岸邊捨去云何。比丘曰。有益。佛言。如是。我爲汝等長夜說筏喻法。欲使棄捨。不欲使受。若汝等知我長夜說筏喻法。尚可以捨是法。況非法耶。金剛經曰。「是故不應取法。不應取非法。以是義故。如來常說。汝等比丘。知我說法。如筏喻者。法尚應捨。何況非法。」

【筏喻經】 (經名) 指中阿含五十五阿梨吒經。而云。經中爲阿吒梨比丘說筏喻。

【筏蹉】 (人名) 又曰跋私。梵音 Vāṭī 小乘犢子部之祖。佛當時之外道也。後歸佛出家。

【筏蹉子】 (流派) 見前項。

【筏蹉經】 (經名) 犢子部之經典也。

【筏蹉外道】 (流派) 同筏蹉子。由犢子部之部祖爲筏蹉 Vāṭī 而名。

【筏羅遮末羅】 (地名) Aparāśama-

八中洲之一。俱舍光記十一曰。「邏遮末邏。此云猫牛。筏邏遮末邏。此云勝猫牛。」

和須吉條。

【筏蘇蜜】 (異類) Vāṭī 龍王名。見

【筏蘇蜜旦那羅】 (人名) Vasumitra

又作伐蘇蜜多羅。舊作和須蜜。婆須蜜多。婆須蜜多羅。世友菩薩之梵名。舊云天友。佛滅後四百年有部宗出家之小乘菩薩也。五百

阿羅漢結集大毘婆沙論時。此是其上首。且稱爲婆沙論四評家之隨一。著宗輪論。宗輪

論述記上曰。異部宗輪者。佛圓寂後四百許年。說一切有部。世友菩薩之所作也。(中

畧)言世友者。梵云筏蘇蜜多羅。筏蘇者。世

蘇。中畧。住於世故。今此論主從彼乞得。彼天之友。故云世友。友者朋友。如云世親。世天

親也。世天友。故名世友。俱舍光記二十曰。梵名筏蘇蜜旦那羅。筏蘇。名世。蜜旦那羅。名友。

舊曰和須蜜。訛也。慧苑音義下曰。婆須蜜多。此云世友。亦曰天友。或曰寶。亦曰財也。一因有一人名筏蘇蜜旦那羅。爲有部宗之阿

羅漢。佛滅後三百年出世。作品類足論等。俱舍光記一曰。至三百年初。筏蘇蜜多羅。造

品類足論六千頌。(即是蜜衆事分阿毘曇也)又造界身足論。伐蘇蜜多羅。此云世友

西域記二曰。伐蘇蜜旦那羅論師。唐言世友。舊曰和須蜜多。訛也。於是製衆事分阿毘

達磨論。一因有一人同名。爲經部之異師。俱舍光記五曰。世友。梵名云伐蘇蜜多羅。舊

云和須蜜。訛也。印度國名世友者非一。非是婆沙會中世友。見世友條。

【喬答摩】 (人名) 舊稱瞿曇。新稱喬答摩。佛姓。見瞿曇條。

【喬底迦】 (人名) 羅漢名。俱舍光記二十五曰。喬底迦。是牧牛種人。真諦云。喬

底迦。此云瓦器。本是外道。恒執瓦器自隨。仍

本為名。

【喬答彌】(人名) 舊稱憍曇彌。新稱

喬答彌。喬答摩之女聲。即呼喬答摩姓之女

曰喬答彌。如言女性之比丘為比丘尼也。見

憍曇彌條。

【番大悲神咒】(經名) 一卷。純梵語

之大悲咒也。番者西蕃之義。即西域也。

【番僧】(職位) 輪番守護堂宇之僧。

又云堂守。因(雜名)西番之僧也。西番即西

域。

【替僧】(雜名) 明制。凡皇太子諸王

生。率剃度幼童一人為僧。名曰替僧。神宗替

僧名志善。見張江陵集。

【敦煌石室】(雜名) 甘肅敦煌縣東

南有鳴沙山。其麓有三界寺。寺旁石室千餘。

舊名莫高窟。俗名千佛洞。以四壁皆佛像也。

清光緒庚子。有道士掃除積沙。於複壁破處。

見一室。內藏書甚富。發之。皆唐及五代人所

手寫。並有雕本。佛經尤多。蓋西夏兵革時。保

存於此也。英人史泰英。法人伯希和。先後至

其地。皆擇完好者捆載而去。陳於彼國博物

院中。至我國政府更往搜求。精好者已不可

得。近人據伯希和所得本印行者。有敦煌石

室遺書。鳴沙石室古佚書二種。皆前所未見

之祕笈也。

【尊上經】(經名) 一卷。晉竺法護譯。

中阿含釋中禪室尊經之別譯。

【尊老】(雜語) 尊重之老僧也。寄歸

傳三曰。「尊老之處。多座須安。」

【尊形】(術語) 同尊儀。大日經六曰。

「彼二種尊形成就二種事。」

【尊形曼荼羅】(術語) 一名形像曼

陀羅。畫諸尊之形像。示相好具足。與福德圓

滿者。六曼陀羅是也。

【尊足山】(地名) 雞足山之異名。摩

訶迦葉入定之處。因推崇之而名曰尊足山。

西域記九曰。「屈屈陀陀山。唐言雞足。亦

謂窶盧播陀山。唐言尊足。中畧。尊者大迦

葉波。居中寂滅。不敢指言。故言尊足。」Guru-

pada 在今之Gurpa 驛。

【尊那經】(經名) 一卷。趙宋法賢譯。

佛對尊那(Ounda)尊者說七種之布施。七

種之發心。

【尊者】(術語) 梵語阿梨耶。Arya 譯

作聖者。尊者謂智德具尊者。羅漢之尊稱。資

持記下三曰。「尊者。臘高德重。為人所尊。」

行事鈔下三曰。「下座稱上座為尊者。上座

稱下座為慧命。」

【尊星王】(天名) 北斗七星。七佛所

說神呪經名為妙見菩薩。日本謂之尊星王。

稱祭北斗之法曰尊星王護摩。

【尊容】(雜語) 佛菩薩等尊貴之容

貌也。往生要集上本曰。「跪七寶階。瞻萬德

之尊容。」

【尊悟】（雜語）尊貴人之證悟也。讀阿彌陀偈曰「尊悟歡喜地」。

【尊特】（術語）謂勝應身尊大殊特。盧舍那佛是也。法華玄義十曰「尊特之身猶如虛空。為法性身菩薩說法」。四教儀集註上曰「盧舍那翻淨滿。謂諸惡都盡故淨。衆德悉圓故滿。亦翻光明遍照。亦名尊特。名勝應」。

【二種尊特】（名數）一修成尊特。因位修行所成就佛之大相好也。是乃報佛之相好。別教之意也。二性具尊特。法性本具之妙相也。是乃法佛之相好。圓教之意也。此中性具之尊特為上品。修成之尊特為下品。而華嚴經之微塵數相好為修成。故是下品。法華經之微妙淨法身為性具。故是上品。見妙宗鈔四。

【尊記】（術語）佛記弟子成佛之言。曰記別。敬之而曰尊記。法華經曰「大智舍利弗。今得受尊記」。

【尊宿】（雜語）德尊年長者。觀經序分義曰「德高曰尊。者年曰宿」。傳燈錄（睦州章）曰「人稱曰陳尊宿」。

【尊崇】（術語）貴德敬聖也。雜阿含經五十曰「尊崇佛法僧」。

【尊勝供】（修法）尊勝佛頂尊之供養法也。

【尊勝法】（修法）念尊勝佛頂尊誦尊勝陀羅尼之修法也。尊勝佛頂一名除障佛頂。釋迦如來五佛頂之一。釋迦如來為救善住天子七徧墮惡趣之苦。由佛頂現輪王而說尊勝陀羅尼也。見尊勝軌。本尊乃大日如來也。百二十尊法曰「觀想壇中有八葉大蓮華。蓮華上有八師子座。座上有七寶樓閣。閣中有大葉寶蓮華。華臺上有月輪。此一月輪中有九位。中位有梵字。字變成率都婆。率都婆變成大日如來。結跏趺坐。白肉色。

兩手臍下如入禪定。掌中承蓮華。蓮華上有金剛鉤。戴五佛冠。周圍八大佛頂坐。並不動。降三世六個飛天等圍繞」。

【畫像】（圖像）尊勝佛頂修瑜伽法儀軌上曰「其所畫布絹氈等。大小隨意（中畧）於蓮華臺上結跏趺坐。白肉色。兩手臍下如入禪定。掌中承蓮華。於蓮華上有金剛鉤。如上頂輪王等。種種光明五智冠等。一依瑜伽圖。皆於白蓮華座結跏趺坐（云云）」。

【尊勝軌】（經名）尊勝陀羅尼儀軌之略稱。

【尊勝經】（經名）尊勝陀羅尼經之略名。

【尊勝佛頂】（佛名）一名佛頂尊勝。亦名除障佛頂。是五佛頂之隨一。尊勝陀羅尼之本尊。即釋迦如來由佛頂現出之輪王形。為佛頂尊中之最尊。故名尊勝佛頂。能除一切惑業。故名除障佛頂。尊勝佛頂修瑜伽



法儀軌下曰、「一切佛頂中尊勝佛頂能除一切煩惱業障故。號為尊勝佛頂心。亦名除障佛頂。」同下曰、「釋迦牟尼如來結跏趺坐。作說法相。中畧爾時世尊慈悲愍念。便入除障三摩地。從如來頂上發生惹耶三摩地。狀若輪王之像。白色。首戴五佛寶冠。手執金剛鉤。項背圓光。通身如車輪狀。暉曜赫奕。現此三摩地時。十方世界六種震動。十方世界一切地獄六趣衆生應墮惡道者。皆悉滅除。一切惡業不復受。若便生天及十方清淨國土。為此善住天子七返惡道之身一時消滅。是故號為除障佛頂輪王。即是五佛頂輪王之一數。並通三佛頂八大頂輪王也。」佛頂尊勝陀羅尼念誦儀軌曰、「即於山間空閑處。或於淨室。畫本尊尊勝陀羅尼像安於東壁。持誦者以面對之。」

【尊勝秘法】（修法）尊勝佛頂尊之祕密修法也。見尊勝法條。

【尊勝護摩】（修法）對尊勝佛頂尊而修護摩法也。有佛頂尊勝陀羅尼經一卷。佛頂尊勝陀羅尼念誦儀軌一卷。

【尊勝陀羅尼】（真言）具名佛頂尊勝陀羅尼。尊勝佛頂尊之陀羅尼也。帝釋天憫善住天子有從今受七度畜生惡道身之業。因詣祇園精舍請佛救濟之法。佛為說此陀羅尼。令誦之。尊勝陀羅尼經曰、「告帝釋言。天帝有陀羅尼名為如來佛頂尊勝。能淨一切惡道。能淨除一切生死苦惱。中畧佛告天帝。此佛頂尊勝陀羅尼。若有人聞一經於耳。先世所造一切地獄惡業皆悉消滅。」

【尊勝佛頂法】（修法）尊勝法之具名。

【尊勝佛頂如來】（佛名）尊勝佛頂。為釋迦如來由佛頂現出之尊像。故曰如來。

【尊勝大明王經】（經名）一卷。趙宋施護譯。佛為阿難說呪。名尊勝大明王。

【尊勝陀羅尼經】（經名）有五譯。一唐杜行顛譯。佛頂尊勝陀羅尼經。一卷。二唐地婆訶羅譯。佛頂最勝陀羅尼經。一卷。三唐佛陀波利譯。佛頂尊勝陀羅尼經。一卷。四地婆訶羅重譯。最勝佛頂陀羅尼淨除業障經。一卷。五唐義淨譯。佛頂尊勝陀羅尼經。一卷。六宋施護譯。尊勝大明王經。一卷。此六譯中不空三藏之弟子法崇。就第三譯之佛陀波利本作疏二卷。流行於世。

【尊勝陀羅尼經疏】（書名）二卷。唐法崇著。經文就佛陀波利之本。陀羅尼依不空三藏譯之佛頂尊勝念誦供養法中所出。

【尊勝陀羅尼儀軌】（經名）有二本。一唐善無畏譯。尊勝佛頂修瑜伽法儀軌。一卷。二不空譯。佛頂尊勝陀羅尼念誦儀軌。一卷。

【尊像】（雜語）佛菩薩等之形像。蘇悉地經二曰、「置闍伽於尊像前。」

蘇悉地經二曰、「置闍伽於尊像前。」